

LA CARTA DEL APÓSTOL SAN PABLO A FILEMÓN

Pablo escribe a Filemón

¹ Nugö, dûr Pablo, dí bbajcua jar födi por rá ngue cam Tzi Jmujü Jesucristo. Dí yobbe nûr cjuadä Timoteo, cja dí penquibbe nûr carta-nâ. Nuque, Filemón, dí zenguaquibbe cor jmajte, como guejtiqe, guí pejpi ca Ocja. ² Guejto dí pëmpí nzengua cam tzi ncujujü Apia, co ni car Arquipo, co hneh cü pe dda cjuadä cü i jmuntzi pü jer ngü. Car Arquipo xí nzejti prueba por rá ngue nûr evangelio, ncjaguigö. ³ Cam Tzi Tajü pü jitzi, yojmi cam Tzi Jmujü Jesucristo, da jñuytiqui quir tzi møyjü cja da ddahquijü bendición rá ngü, guí göhtjoju.

El amor y la fe de Filemón

⁴ Nuque, Filemón, cada bbü dí nzoh ca Ocja por rá nguehque, dí mbenqui cor jmajte, cja dí öjpi mpöjcje, ⁵ Como xtú ñde, guí eme car Cristo göhtjo mbo ir tzi møy, cja guí madi. Guejto dí öjpi mpöjcje ca guír nü rá zö cü ddáa cü i ten car Cristo, cja guí mah-cá, como guejti-cü, í bajtzi ca Ocja hneję. ⁶ Dí ñjcö, guí nzoh cü cjahni pü jabü gár bbøy, guí xijmü nûr evangelio. Eso, dí öjpi ca Ocja da möx cü to i eme, pa da badiju te tza rá zö guegue cja co ja i ncja cü bendición cü i ddajcöju, göhtjoguigöju como ngü xtá emejü car Jesucristo. ⁷ Bbü dí ñjcö te tza ngü guir mah cü hermano, dí ndo mpöjö cja i ju um møy, como dí ñde, guí föx cü cjuadä cü te i nesta, guejto guí zetibi quir tzi møyjü pa jin da ngüentiju.

Pablo pide un favor para el esclavo Onésimo

⁸ Eso, dí nzohqui hneje pa gui föxqui tzu. Nugö, xí hñixquigö gá apóstole car Cristo, cja dí pehtzi derecho gu bbejpiqui gui dyøti ca dí xihqui. Pe jin dí ne gu øti-ca. ⁹ Mejor, dí ne gu öhqui tzu hnar favor porque dí mädihui. Nugö, dûr Pablo, ya xtûr tita, cja guejtjo i cjojqui födi porque ndí dyo, ndí nzoh cu cjahni digue car Jesucristo. ¹⁰ Dí öhqui tzu gui dyøhtibi hnar favor näm ttu, när Onésimo. Guegue xí cja um ttu ca xtá hmäjco hua jar födi, como guehcä xtá nzofo, xí hñemä car Cristo. ¹¹ Måhmäto, bbu mí pejpiqui när Onésimo, jí mí tzo ca bi dyøjtiqui. Pe nuya ca xcá hñeme när evangelio, rá zo ga möxquigö cja rá zo drí möxquigue hneje. ¹² Nuya, ya xtrá cujco när Onésimo da ma drí goh pu jabu gár bbuy. Nuquigue, gui perdonabi tzu ca bi dyøjtiqui, cja gui cjagui tzu car favor, gui cuajti ncjahmu guejquigö güi cuajtigu*i*. ¹³ Xin di jogui gua tzämigö när Onésimo di gojcua pa di pejpigui hua jar födi, di goji por rá nguehque, ncjahmu guehque gri föxqui hua. Como ngu guir pädi, i cjojqui födi porque dí man car tzi ddadyo jñä digue car Jesucristo. ¹⁴ Pe jin gu tzämi, como jí bbe dí önqui ¿cja güi uni ur tsjejqui di gojti hua? Jin dí ne gu cjahqui gá fuerza gui dyøjtigu*i* när favor.

¹⁵ Pe ntoja xí cja Ocja xí wembiqui när Onésimo tengu tzi mpa, pa ncjapu xcá hñemä car Jesucristo. Cja nuya, bbu pé xta guahqui, ya jin gui weguehui göhtjo ur tiempo, ni diguejcua jar jöy ni digue pu jitzi. ¹⁶ Nuya, bbu pé xqui cuajti, ya jin da pejpiqui gá fuerza, ncja nguá dyøti måhmäto,

Nuya, da pejpiqui cor pöjö ncja ngu hner tzi cjuadä ca guí ne. Nugö, dí ndo maj nár Onésimo, cja hnöhquigüe, pe ntoja más guí ndo mädi, como ir mëfigüe, cja guejtjo hnë ya xi ir cjuadä, ca ya xcá hñëmë cam Tzi Jmuñü Jesucristo. ¹⁷ Eso, bbü gü mangue dí mföxihi ca dár pejpihui hnaadi cam Tzi Jmuñü, gui recibi tzü nár Onésimo cor jmajte, ncjahmü guejquigö güi recibiguigö. ¹⁸ Cja bbü te xtrú dyøjtiqui ca drá nttzo, o te di tuhqui, gui dyüti ür huenda, gui xijqui tengü, cja xtá cjüjtiqui. ¹⁹ Nugö, dür Pablo, dí xihqui ntjumüy, xtá cjüjtiqui. Co guejtsje nüm dyε, dí juxcua nár promesa-na. Masque di jogui gua xihquigö, hneje, bbü te dí tuhqui por rá ngue nár Onésimo, nuque güi tujqui más rá ngu, como gú töti car nzajqui ca jin dy tjegue bbü ndí dyogö pü Asia, ndí mangö car evangelio pü jabü ngár bbüy. ²⁰ Dí tzö üm müy, gui ma gui dyøjtigui nár favor ná dí öhqui, üm tzi cjuadäqui. Gui dyøjtigui tzü por rá ngue cam Tzi Jmuñü ca dí emehui, pa da mpöj nüm tzi müy.

²¹ Xtú penqui nár carta-ná, como dí padi gui ma gui nü cor ttijqui nár Onésimo. Cja dí ingö hneje gui ma gui dyøhtibi pé hnar favor más drá zö ni ndra ngue ca xtú juxcua. ²² Nuquiguejü, xcú oraguijü, xcú dyöjpüjü ca Ocjü da cjagui gu pøxi födi, eso dí tøhmi car pa bbü xtá pøxcua, xcrá ma pü jabü gár bbüpjü pa gu nccahü. Eso, dí xihqui tzü, gui jojqui tzü hnar tzi lugar pü jabü gár tzöya bbü xtá ma pü.

Saludos y bendición final

²³ Nuya, i penquijü nzengua nár hermano Epafras nü dí bbübbe hua jar födi. Guejti guegue

xí cjoti por rá ngue car Tzi Jesucristo. ²⁴ Guejti car Marcos i zenguaquijü hnejeü, co ni när Aristarco, co hnejü när Demas, cja co när Lucas. Dí mföxje-yü, dí øhtibije cár bbefi ca Ocja. ²⁵ Cam Tzi Jmuü Jesucristo da möxquiiguejü co cár tzi ttijqui. Da ncjapü, amén.

**El Nuevo Testamento en otomí de San Felipe
Santiago, Edo. de México
New Testament in Otomi, Estado de México
(MX:ots:Otomí, Estado de México)**

copyright © 1975 Wycliffe Bible Translators, Inc.

Language: Otomí, Estado de México

Translation by: Wycliffe Bible Translators, Inc.

Otomí, Estado de México [ots], Mexico

Copyright Information

© 1975, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Otomí, Estado de México

© 1975, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
6040233a-58b9-569e-8ff0-572968a2ee94